

韩城县续志

一
函
四
册

古蹟

曰若稽古踐迹入室後之視今猶今視昔流連展玩仿佛面靚悠然意遠聲傳空谷古蹟第六

興隆寺七佛洞

在縣南牛家坡西唐貞觀八年尉遲敬德監造明弘治十三年重修碑碣多殘缺不可讀地僻谷深人迹罕至故前志均脫華池

在今華池村池旁有閣匾曰漢太史司馬公故里

譚法塔

在圓覺寺俗名趙趙寨塔近於塔下募素一磚得譚法之名

濠濱花園故址

張濠濱尚書致仕後修陶渠灌田四百餘畝於陶渠村北闢園

築室引水縈籬塢多聚怪石作邱壑之致時讀書游娛其中至今鄉人猶以花園名其處

望甸樓

即縣西城門樓左蘿石命名俗誤為賓興閣

孫丕揚題張濂濱故里遺筆

在芝鎮府君廟東上聯百年名世今已湮沒下聯一代真儒四字尚存旁有孫丕揚題字樣

治城東南五里文星塔雍正二年邑令楊宗澤建迄四年丙午乃告竣上塑魁星北建文昌祠其東北又築五星台蓋取五星聯珠之義縣丞梁元以為文昌帝君祠北拱學宮而後地太突則前後不相稱因於塔之正南創建關帝祠亦即雍正四年事也乾隆十六年辛未邑令鄭仔又於塔之西南創建奎文書院

以教育人材年久失修廟宇漸圯嘉慶六年辛酉東鄉川原六社重修塔之前後廟宇及奎文書院六社者相里堡麻園村西金盆謝村北社城古村前社范村雙樓村以地基屬六社管理糧由六社承納故也五星台亦於道光二十七年丁未重修之關帝祠經同治年回匪焚燒至民國三年六社始改建為洞而文昌祠破壞四年橋工局亦改建為洞其意無非取其堅固至文星塔之北面上半截曾被雷火震折橋工局於改建文昌洞之時並為補葺

吳王墓柏數株組合而成曲屈古奇如蛟龍合抱

吳王砦在下莊村西

嚴福寺在上莊村西

文公洞在冶戶川南梁

清涼寺在六凹

文廟暨明倫堂古柏參天千年舊物也惟大成殿一株五枝高拱隱符五行之數尤為雄壯奇特肅然起敬

君子祠甘棠二株左公之遺愛也

都門會館

北京宣武門外大街路東毗連會館二所其北館坐東向西一進三院大小房三十二間大門外空廠地基一方係本邑王惺園相國公廨捐作本縣會館其南館大門向西內有向南一排三院大小房三十門東有空廠一方前門外偏北空廠一方係本邑張息園尚書公廨捐作本縣會館

青門會館

西安城內鐘樓北大街坐西向東韓城會館一所一進兩院大

小房二十間係民國元年縣議會就縣募款購置尚未建築如式

祠祀

倉聖祠在明倫堂西

君子祠在南關祀左羅石

劉公祠在南關祀劉喬南

陵墓

晉漢陽太守殷濟墓在堡安村西北里許墓有碑村人集貲歲時致祭

道員師彥公墓在井溢村東

道員王埇時墓在磐固寨後

知州吉修孝墓在漁村斜

山東布政使王篤墓在孝義村西子孝廉方正福徵墓在卓立村側

殉難知縣師長治墓在井溢村南

知州王鴻飛墓在塚子圪塔南

主事劉銘新墓在坡底村後

殉難武舉李殿彪墓在澗西村

殉難諸生王明淵墓在英村

侍御師長灼墓在井溢村

侍御王誠義墓在人和寨後

道員吉燦升墓在柿谷坡上

金石

雍州金石富於各省溥彼韓城文物彪炳碑版磚刻別為三等附徵書畫維賢是景金石第七

左馮太守李水部黃河清詞碑在學署行書年號模糊末署韓城令張剛中摹刻上石薛文清公清溪二字磚刻在雙樓村字徑二尺許旁題河東大布衣薛瑄書文廟上梁文牌王琢玉撰文正書前後有序俱草書末署教諭張自讓識張司徒謁太史公祠墓碣文曰隆慶辛未三月偕友祭掃太史公墓天朗氣清忽古城之北河壩間有鳥數十其羽若雪其翅若鴻遡飛而來經祠前盤三五次若朝若臨端翔墓側久之始亘空西去一時驚異咸謂神之格思或導天鵝而來也書亦極妍雅

唐李良金墓碑

同治六年張姓任平陽督糧府時購得之者碑方二尺許缺一角上題唐故金紫光祿大夫試太子詹事兼晉州刺史上柱國隴西郡開國公李公墓誌銘撰書不列姓字石存張氏家李因篤題子長先生墓碑

象山碑

空同問道仙人駕元鶴以飛函谷著書老子乘青牛而過五千文字蔚為道德之宗百二山河不少神仙之府第地靈而人傑首重龍門若踵事而增華尤推象嶺惜也原原本本忘初始於何人要之天下高高識重修於近代蘇羽士建廟祀神樓臺鬱鬱劉中丞捐金栽樹松柏蒼蒼然而丁令歸來空餘華表許詢化去誰建浮屠幸有道士程仲馨同其師兄薛天宇浪游二曲窮山水之精華參學八仙悟陰陽之奇偶倦而歸此各率其徒

鑿穴以居闢田為食清溪千仞問鬼谷之何誰勾曲三山識茅
君之各在既而本社之鄉老又化四方之檀施遂鳩工而庀材
亦日新而月異玉皇閣建斗姆殿成廟塑七星金粧諸聖鐘樓
設而聲聞墅外水窖穿而泉湧階前築垣墻於四週栽松柏以
百數凡諸盛舉宜壽貞珉原夫大道冲虛在損之而又損名山
點綴必精也而益精用書善士之姓名兼記完工之時日將使
滄桑變易丹青偕巨鼻同垂金石流傳臺榭與靈牙俱久

乾隆十三年洮陽松華道人吳鎮撰

思筆琅琅擲地
可作金石聲

尹龍光題司馬太史子長祠

美哉大史翁述史麟經同百有三十篇紹明先聖功豎儒尚一
說安知是非公石室藏編古奇氣一代雄世愛千秋名何論委
質窮班氏所譏言適彰信心曾春秋任筆削曷嘗案前蹤獨恨

遭陵禍明哲非未工荒塚天地老孤祠暮雲封龍門伊在望殘

碣伴青松

書法蒼勁木板無存故亟錄之

尊經閣邑人張廷樞書

版刻

重修城隍廟碑邑人張廷柱書

石刻

大司寇坊毘陵趙熊詔書

版刻

示我周行

在南關

奉若天心

在城隍廟

邑人劉蔭樞書

版刻

敕封法王之墓

在西莊碑刻

奠高山大川

在龍門

邑人師彥公書

石刻

文昌帝君祠邑人梁元書

版刻

關帝行宮

在縣前社

華嚴堂

在南社學坊

邑人薛鎔書

版刻

明薛相國神道碑在西薛曲村東

石刻

藏經樓

在鳳凰樓

邑人張民信書

碑刻

龍門圖李玉堂畫

石刻

贈翠巖道人序 橫山碑

方外之士好遊名山而復喜山居蓋不見可欲使心不亂故能
齋心服形蟬蛻尸解羽化而登仙宜乎遯世離羣長往而不顧
也自魏伯陽祖黃庭準周易著參同契而火候進退之說行然
默朝上帝乃其心法尤為簡要大本不越乎息機凝神而已翠
巖道人吳君昔受道於吾友游君搏霄得全真之術而學通乎
周易天人之理故雖遊方之外而恒喜與儒者交自兵興世亂
浪跡西行渡河汾逾穀澗坐終南之幽谷登太華之絕頂數年
而歸至於洛陽城東負郭有三井洞洞有三目上通天光號曰
三井或更號曰三陽吳君愛之怡然止息而足跡罕至城市旦
暮宴坐不御葷酒好事者負米餉之受而不謝以故人皆敬之
壬子歲秋八月余至洛中一見而知其為吾故人之弟子也於

是傾心接之中情莫逆放言及乎修道之事余問之曰子與儒者交嘗聞紫陽朱子敬齋箴乎對曰聞之曰是即修道之真訣也孟子曰存其心養其性所以事天也默朝上帝奚有過於是我哉子其識之吳君曰唯唯因書以為贈壬子歲秋九月朔旦洛上翁祿權序 洪武辛未歲秋九月重陽日門弟子郝靜元立石

按橫山邑之名勝序文卽吳翠巖之徒郝仙靜元所勒石舊志記二仙得道羽化事甚詳而獨無此序文今因興修山廟於巖穴石壁上得此原本故亟錄之以誌仙蹟

龍潭二大字約三四尺石刻獅山崖壁上仰飛閣下臨深淵龜蛇二字草書石刻獅山廟壁

第一山三大字米芾書碑在獅山

馬公千丈渠五大字石刻第一堰山壁

重修后土廟碑記

王杰

禮山林川谷邱陵能出雲為風雨凡有益於民生者皆祀之况夫德配乾元予人之大母其應建立祠宇崇德報功豈顧問哉邑城東舊有元君聖母廟創建年月世遠跡湮無可稽考至康熙十七年七月邑侯王公諱廷選捐俸重修厯今幾經百歲風雨薄蝕甍瓦剝落棟宇頽頽神像塵封觀者咸悼嘆焉己卯夏六月杪韓大旱秋禾未得播種境內惶惶縣尉章公率紳士禱雨於廟默祝雨落重修至七月七夕甘霖大沛四野沾足神之靈昭昭矣於是章公與紳士倡議興修而土木工匠之費非千金不可越季冬邑侯婁公蒞任尉具以其事告公慨然捐俸銀五十兩倡率二十八里並十社鄉正募化得

銀若干 公曰可以舉事矣遂擇董事鄉耆購木石鳩工匠次第修理于寢殿享殿之舊有者易而新之其所增者若山門若歌臺若掖門若道院整齊壯麗煥然聿新要皆我 公相度經營勞心創建者工始於乾隆二十五年四月落成於二十九年九月共費銀一千五十三兩零是舉也意美法良至周且備此固我 公之致力於 神而亦何莫非盡心於民也耶後之人能體此意而繼續之將為民禦災捍患年穀順成寧不有大造於吾韓也哉是為記

書法超曠衛晞駿書碑在東關廟

王文端公神道碑

公諱杰字偉人王氏先世居山西洪洞遷陝西韓城居五世至石門縣主簿諱廷詔公之父也以公貴贈光祿大夫東閣大學

士公妣吳太夫人生三子長濬仲澈公為季端凝好學見於幼
稚長以拔貢生得教諭未任遭父喪服終貧甚為書記以養母
所居幕府尹文端公繼善陳文恭公弘謀之為陝西督撫時也
兩公皆名知人而最賢公謂為正士乾隆庚辰 恩科中鄉試
次年 恩科中會試 殿試讀卷官進列第三 純皇帝親拔
為第一引 見風度凝然 上益喜授翰林院修撰由修撰四
轉得詹事府少詹事 日講起居注官直南書房旋晉內閣學
士歷工刑禮吏四部侍郎都察院左都御史母喪回籍在籍擢
兵部尚書 詔服闋赴職充 經筵講官 賜紫禁城騎馬為
尚書房師傅直軍機處乾隆五十一年正月拜東閣大學士公
為人廉靜貞直誠於奉職其居位與和坤同列公以大體接之
不為壯頌悻悻之事而遇所當執終不與和坤附公素行無疵

瑕 純皇帝知公深和珅雖厭公亦不能去也如是數年及

今上臨政公意益得發摠矣然公嘗念大臣所當為者非盡於所能言獨居意嘗邑邑深念而不怡蓋公之心人不能具識而至其入陳 禁陞裨益朝廷者又非人所得聞故不可得而述也嘉慶七年公以老病乞休 詔予在籍食俸加 太子太傅

御製詩送之有云直道一身立廊廟清風兩袖返韓城茲足以盡公生平矣嘉慶九年公與夫人八十歲又有御詩及頒賜諸物公季冬入都謝 恩留至十年正月十日薨於京邸 命榮親王奠醊 賜銀二千兩治喪又賜祭葬贈 太子太師祀賢良祠謚曰文端公自乾隆乙未至庚戌凡五為會試總裁官又嘗為湖南江西浙江順天考官一督福建學政三督浙江學政所進多佳士其於門下士相愛甚篤然未嘗稍涉私引教之必